

Broj: 01-14.3-264-6/16
Datum: 11 MAR 2016

Na osnovu člana 69. Zakona o javnim nabavkama („Službeni glasnik BiH" broj 39/14), direktor Federalnog zavoda za statistiku, na prijedlog Komisije za javne nabavke, donosi

ODLUKU

I

Poništava se Odluka o izboru najpovoljnijeg ponuđača broj 01-14.3-264-3/16 od 25.02.2016.godine po provedenom konkurentskom postupku za izbor najpovoljnijeg ponuđača za nabavku usluga rekonstrukcije namjenski prilagođenog web baziranog rješenja za prikaz online sadržaja i izrade vizuelnog rješenja Federalnog zavoda za statistiku, a po obavještenju o nabavci broj 419-7-2-26/16 objavljenom na portalu javnih nabavki dana 10.02.2016.godine.

II

Poništava se postupak javne nabavke po provedenom konkurentskom postupku za izbor najpovoljnijeg ponuđača za nabavku usluga rekonstrukcije namjenski prilagođenog web baziranog rješenja za prikaz online sadržaja i izrade vizuelnog rješenja Federalnog zavoda za statistiku, a po obavještenju o nabavci broj 419-7-2-26/16 objavljenom na portalu javnih nabavki dana 10.02.2016.godine.

Obrazloženje

Nakon upućivanja poziva za dostavu ponuda za nabavku usluga rekonstrukcije namjenski prilagođenog web baziranog rješenja za prikaz online sadržaja i izrade vizuelnog rješenja Federalnog zavoda za statistiku putem konkurentskog postupka i objavljivanja obavještenja o nabavci na portalu javnih nabavki, samo jedan zainteresovani ponuđač je dostavio ponudu.

Ponuđač koji je izabran kao najpovoljniji (ORBICODE d.o.o. Sarajevo) je ujedno pozvan da u roku od pet dana od dana prijema odluke o izboru najpovoljnijeg ponuđača dostavi dokumentaciju kojom dokazuje ispunjavanje uslova navedenih u dostavljenim izjavama.

Ponuđač ORBICODE d.o.o. Sarajevo je u ostavljenom roku dostavio dokumentaciju kojom se dokazuje ispunjenost uslova navedenih u tenderskoj dokumentaciji.

Komisija je nakon uvida u dostavljenu dokumentaciju izabranog ponuđača ORBICODE d.o.o. Sarajevo, konstatovala da izabrani ponuđač nije dostavio dokument koji je tražen tačkom 11. a) tenderske dokumentacije, a za koje je dostavljena izjava o ispunjavanju traženih uslova.

Tačkom 11. a) tenderske dokumentacije propisano je da ponuđač, da bi učestvovao u predmetnoj javnoj nabavci mora ispunjavati sljedeći uslov:

- Da u krivičnom postupku nije osuđen pravosnažnom presudom za krivična djela organiziranog kriminala, korupcije, prevare ili pranja novca, u skladu sa važećim propisima u Bosni i Hercegovini ili zemlji u kojoj je registrovan.

U skladu sa navedenom tačkom tenderske dokumentacije, ponuđač ORBICODE d.o.o. Sarajevo, koji je izabran kao najbolji u predmetnom postupku javne nabavke, bio je dužan dostaviti Izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca u skladu sa važećim propisima u Bosni i Hercegovini ili zemlji u kojoj je registrovan, kojim dokazuje činjenice navedene u izjavi.

S obzirom da ponuđač ORBICODE d.o.o. Sarajevo **nije** dostavio dokument (Izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca u skladu sa važećim propisima u Bosni i Hercegovini ili zemlji u kojoj je registrovan) u vremenskom roku određenom tačkom 11. tenderske dokumentacije, Komisija za javne nabavke predlaže direktoru da poništi odluku o izboru najpovoljnijeg ponuđača.

Kako je članom 69. Zakona o javnim nabavkama propisano da je ugovorni organ dužan poništiti postupak javne nabavke u slučaju kada nijedna od primljenih ponuda nije prihvatljiva, riješeno je kao u dispozitivu.

Pravna pouka: Protiv ove odluke je dozvoljena žalba. Žalba se izjavljuje Uredu za razmatranje žalbi, a podnosi se Federalnom zavodu za statistiku, u roku od 5 dana od dana prijema ove Odluke.



DIREKTOR
Emir Krezić
Dr. Emir Krezić

DOSTAVITI:

1. Ponuđaču
2. Odsjeku za pravne, kadrovske i opće poslove
3. a/a